

**Ŋwa' wvù Baul to saᅇε ê kentaashε
ke
Filibi
Fiε fi nu ê Ŋwa' wvu Filibi
wvun e**

Ŋwa' wvun to saᅇ Baul fô kentaashε ke bonyii bo mbee le ke Filibi le. Wvù nu ê ᅇgoo boᅇwa' bò wvù to saᅇε yew ncaw e Lum. Fiε fi to geε é Baul se saᅇ ᅇwa' wvun to nu keeduᅇε le wen nu ε yεn bigew bì kentaashε ke Filibi kedvu to tumεε. Ekufe ke diεw Baul e ê ᅇwa' wvun e nu le, “Fô me le, é me nu dvù, tu me nu ke bee Klistu, me é ᅇkpwe, é enu sew fô me le”. Baul jemyi ekumε bvukuke bvu Tata wesebeene wvù Jisos Klistu le, no wvù to shikεε ekole kew tu diεwε nfwa le, ε Nyo' mum ke bense wvù, geε bvudvuu bvù kuuke fele bvu wee tfuu le.

Bikuu bi mwεεm e ê ᅇwa' wvun e

1:1-11 Keᅇkewce

1:12-26 Mwεεm mvù kooyi bô Baul

1:27–2:18 Nce wee wvù nu ε taashε bô Klistu

2:19-30 Njeme ekumε Timatio bô Ebaflodaytus

3:1–4:9 Ntefe ekumε bonyii bo bvuban e noo
boᅇw

4:10-20 Bonyii bo Filibi nu nsáa Baul

4:21-23 Kemεse

¹Ŋwa' wvun saᅇ me wvù Baul bee Timatio bò nu boom bo lemme le bo Klistu Jisos e. Ŋwa' wvun geεne fô ben e, bonyii bò nu bo Klistu Jisos e bocii

Filibi bô bocee bikuu bi kentaashε ke bonyii bo mbee le noo bonyii bô fici gee dilemme ê kentaashε ke bonyii bo mbee le εnte. ² Nyo' Icee wesebeene bô Tata Jisos Klistu ebuw ben bô kembonεn, ebvuu enya ben bô mvuntelem mvù lætene.

ε Baul nya keyoone ê Nyo' fô bonyii bo Filibi le

³ Me ηke ηkpawawci ekumε ben sekecii, no nyaa ke ε è nu keyoone ê Nyo' wεm. ⁴ ε me ndioo mbunlee bunle yεm yicii fô ben e bocii, no mbunlee n'yuuke njon, ⁵ njefo ε kew yî diuu di fwe le ε to ε buy εben e, nu ε ben ε taashε beene keelemte le saaka wvù jee wvu ekumε Jisos Klistu ege ne fwe. ⁶ Me ηkee naa ntay le Nyo' wvù kewεε lemme di jee din yî yene le nu ke ege n dvú fwe ege n emεse diuu di Jisos Klistu nu ke ekase eto le. ⁷ Fí nu læη le me enkpawawci ekumε ben nonεn, njefo ben nu fitele fiem, ε beene leeme yî fiεε le fimwaan ε è nu fí fi Nyo' nu ε buw beene dvú. Beene leeme yî dvú le keseen wvù me nu yî ncaw e, ke no beene to leeme seke me nto mbεε ηghane ntanyi diuw saaka wvù jee wvu ekumε Jisos Klistu ηgee ε wvú ciime ntay. ⁸ Me njemyi nεn ε Nyo' kee naa ntay le me ηkeηke shiee wene, ηkoonke ben bocii ke læη læη no Klistu Jisos koonke.

⁹ Me mbunlee le keηkonεn kenεn ekuù gene fwe fwe, é ben ekeηke bvufee, taasse mwεεm ntay. ¹⁰ Ben nu dioo taasse nonεn, emum ecawte mvù looci nu læη. Nonεn, é ke edioo enu diuu di Jisos Klistu kaase too, é ben enu yuule, nu sε nlom.

1:3 Lum 1:8-10; 1Kol 1:4; 1Tεs 1:2-3 **1:6** 2:13; 1:10 **1:7** 2Kol 7:3; Εfe 3:1 **1:8** 1Kol 16:24; 2Kol 5:14 **1:9** Kolo 1:9-10 **1:10** Lum 12:2; Εfe 5:27; Ibu 5:1; 1Kol 1:8; 2Kol 5:10; Fili 1:6; 2:16

11 Ben nu ke enu nonen njefo Jisos Klistu nu ε ge ben ε no kenke nce wvu teytey, bonyii ε no yene bensee Nyo', tumte monkum mew.

Ε Baul no nu yî ncaw e, ε saaka wvu ekumε Jisos gene ke fwe

12 Boom bo bwεem e, me ngomte le ben ekiεε le mwεem mvun mvunciim mvù nu ε kooy bô me nu ε looce ε ge saaka wvù jee wvu ekumε Jisos ε ku ε gen lo fwe fwe. 13 Mwεem mvudvu nu ε ge bonyii bô ceyte ntow wvun fô me nu, noo bonyii bocii ε kiεε le me nu yî ncaw e fen nen, nje me nu wee Klistu. 14 Ncaw wvù me nlemte wvun nu ε bvuu ε ge boom bo bwee wesebeene le nteen ε mese ε lese fitele yî Tata le ε no fewci diεw Nyo' temyi lo, yaa fane ke.

15 Me ηkee le bó bomew fewci naa ekumε Klistu nen bene ε è nu kendonj bee bó, taanke lemme diem. Geenεn ε bomew fewci fibole bô mvuntelem mvù yuule. 16 Boban fewci nonen, njefo bó koonke me, ε bó kee lo le me nu yî ncaw e fen ε è γεke Nyo' me le me entomtè saaka wvù jee wvu ekumε Jisos Klistu. 17 Ε bomew ba fewci ekumε Klistu ke fomvu fomvu bô mvuntelem mvù yiile wvu le bó egeè nonen biise ηγεw yî ηγεw wvù me n'yene wase yî ncaw e fen. 18 Fifiε kenke la keege? Kenεε bó fewci nonen bvulle lo, kenεε bó fewci bô keceey, tu me n'yuuke ke fiem ε è nu njon njefo ficii nu ε bó fewci ke ε è nu ekumε Klistu.

19 Ε nu ke no me nu ηke en'yuuke njon nonen, njefo me ηkee lo le no ben bunlee fô me le, ε Keyoy ke Jisos Klistu le bvuu fii me, nu ε me nu ηke emboy

yî ηγεω e. ²⁰ Fiεε fi me nlooci ntaale fwe ε me ε nlese bvufee yî dvú le nu λε fo me ηke enge naa lo fiεε fi ege é me en'wuumene κε. Me nu enkuu κε ε è nu shém, enleeme ntemyi sekecii, σε ge keseen wvu λε κενεε me ε ηkpwe, κενεε me nu dvú, é fiεε ficii fi me ηgee, ecawsè κε ε è nu diee di Klistu le we. ²¹ Me njemyi nonen nje, fô me le, é me nu dvú, tu me nu κε bee Klistu, me é ηkpwe, é enu σεw fô me le. ²² Geenεn, é è nu λε me nu enu dvú, é me engeè lemme di efii bonyii ntay. No mwεεm mvun nu mvunfεεm nen, me mbaa embvuu enkieε laa me nu encaw fi la ε. ²³ Me ntuwtene lo enteleη jodvu. Me ηgomte λε è be nulo é me engene fiem engen enu bee Klistu. Fifiε jee fele keenu dvú. ²⁴ Geenεn, ε fi jee baay λε me enu dvú nje yene. ²⁵ No fi nu nonen, me nlooci naa ηkee λε me nu enu dvú nlemte beene bocii wvu λε ben ekuù gene fwe bvuu yuuke njon no ben nu ε lese fitele yî Klistu le. ²⁶ Nonen, é me ndioo ε ηkase ε nto ε no nu beene, é ben ebvuu ebensee lo ye ntay ekumε Klistu Jisos nje yem.

Ben eceè nce wvù Jisos Klistu gomte

²⁷ Fiεε fi me ηgomte keenḡay nu κε λε ben eceè nce ε è nu wvù saaka wvù jee wvu ekumε Klistu gomte. Ben eceè nonen, wvu λε κενεε me ε ηkase ε nto ε n'yεn ben e, κενεε me mbaa nto, é me en'yuuke κε λε ben leeme temyi, κεηke fitele fimwaan, nu yî wee le mwaan, diuu yî fiεε le fimwaan, wvu λε saaka wvù jee wvun egenè fwe, ε bonyii beḡe dvú. ²⁸ Fo ben efanè naa lo bonyii bò bane ben yî saaka wvun e κε. E ben nu σε ben fane bó, é fifin eduḡci ê bó λε

1:21 Gal 2:20; Kolo 3:3-4
1Tes 2:12

1:23 2Kol 5:8-9

1:27 Kolo 1:10;

Nyo' nu ke eboyse ben, geenen elɛse lo bó. ²⁹ Ben ekeè le Nyo' baa buw ben le ben enù bonyii bo Klistu le ke le ben elese ε è nu fitele yî ye le maan ke. Wvú nu ε buw ten le ben eyenè ηgew nje Klistu. ³⁰ Ben nu ε bene wase me le beene ε no diuu yî saaka wvun e bocii wvù ben to yenεε ε me ndiuu yî dvú le, ε è nu ke wvú wvù ben yuuke le me mbεε yî dvú le keseen.

2

Ben ejòò kenfewsεn yî Jisos Klistu le

¹ Ke ben nu ε taashε wase ben ε bo Klistu wvú ε ge ben ε no kenke mvuntelem? Ke kenkonen kew fô ben e nu ε ge wase mvuntelem mvunen ε no yvuwse? Ke ben ε bo Keyoy ke Yuule nu ε taashε wase, ε Klistu kenke fitele fi jee fô ben e bvuu camte shen fô ben e? ² No fi nu nonen, ben ege le é me emεse en'yuw njon. Ben enù diuw mwaan, koonkè bikuu binen, kenkè fitele fimwaan bvuu kenkè ηkpawawε mwaan. ³ Fo ben dioo nu ε wee no kpwaake ke ε è nu ekumε ekolε kew kenεε bensee ye yî εcici ke. Wee tfuu eshike ekolε kew, eyenè wee mvu le fele ekolε kew. ⁴ Fo wee ekpwaakè ke ε è nu ekumε ekolε kew ke. Wvú ekpwaakè ten ekumε bonyii bomew.

⁵ Kenge kenεn kenke keenu lenlen ke diewe ke Klistu Jisos e.

⁶ Wvú to nu Nyo',

1:30 Lem 16:19-40; Fili 1:13 **2:2** Jon 13:34; 1Kol 1:10-11; Gal 6:10; Efe 5:2; 1Jon 4:12 **2:3** Lum 12:10; Gal 5:26 **2:4** 1Kol 10:24
2:5 Jon 13:15; Lum 13:14; 15:5 **2:6** Jon 1:1-2; 17:5; Ibu 1:3

fanε yaa ejo fifiε le è nu fiεε fi wvú emεy eghemte yî
dvú le κε,

⁷ geenεn, cinε bvudvuu bvudvu le,
jo ε è nu bvú nfwá le.

Ε bó boo wvú,
ε wvú no nu ληληη κε diεwε wee wvu wum e.

⁸ Seke wvú to nu wee wvu wum,
ε wvú shike εκολε kew no yuuke Nyo' le,
ke bee keekpwe kpwe,
εfey mvunciim, kpwe yi yî kentam e.

⁹ No wvú to γεε nonεn, ε Nyo' bense wvú
γεε bvudvuu le bvú fele bvú wee tfuu le,
buw wvú bô diee di fele εdiee εcii,

¹⁰ wvu le wee tfuu wvú nu won wvu we le
bô wvú nu yî nshε le noo wvú nu εκuse jo nshε,
ke dioo ε yuw diee di Jisos e didvu, ηgvuum,

¹¹ ε wee tfuu ejemyi bô diuw we le Jisos Klistu nu
Cee Εκολε.

Ε bó edioo egee nonεn ε mbense egeεne ε Nyo'
Ice.

Ben ebaà ε won jan diεwε jón e

¹² Nonεn nsáa γεm shém, ben eyuukè κε ten Nyo'
le nonεn no ben to yuuke seke me nto nu beene.
Ben eyuukè keseen fele lo wvú me n'yaa nu κε
beene, egeεne fwe gee mwεεm mvu εκumε mboyma
wene. Ben egeè nonεn, fane ciinjke. ¹³ Ben ekeè le è
lemte Nyo' yî yene le, gee le ben eshieelè keegeε
mwεεm mvú wvú koonjke. Ε è bvuu nyaa wvú
mvunjay keegeε mwεεm mvudvu dvú.

2:7 Jon 1:14; Lum 8:3; 2Kol 8:9; Ibu 2:14, 17 **2:8** Jon 10:17; Ibu
5:8; 12:2 **2:9** Lem 2:33; Efe 1:21; Ibu 1:4 **2:10** Yεsa 45:23; Jon
5:23; Lum 10:9; Mwm 5:13 **2:13** 1:6; Jon 15:5; Lum 7:18; 15:18;
1Kol 12:6; 15:10; 2Kol 3:5

14 Ben dīoo gee fiεε ficii fi ben gee, fo ben ewvukenè, kεεε beekè mbew kε, 15 wvu λε ben eyuule, nu σε nlom. Nonεn, é ben emum enu boom bo Nyo' le bō nu σε jay εntelεη jo εηgokε kin kè kεηke mvuntelem mvù yiile, buuke mwεεm. Ben ebaà ê wοη jan diεwε jón e, 16 no ben jici * saaka wvù nyaa nshii wvù mεy lo ê bonyii le. Ε ben gee nonεn, é ke edīoo enu diuu dī Jisοs Klistu kaase too, é me embensee ye λε me mbaa nlem lemme di εcici kε.

17 No ben nu ε lese fitele yî Nyo' le, tu è nu ncese ε ben ε ge fô wvù le. Ε è cim nu naa λε bó nu emεse enya me diεwε no bó ké fuu mbvuum, ebise yî wene ncese le, é me en'yuuke kε ε è nu njon, nlanlanje beene bocii. 18 Ε me ηgomte λε ben ebene me le é beene eyuuke njon, lanlanje.

Ε Baul jeme ekume Timatio bô Ebaflodaytus

19 Ε Tata Jisοs beηe lo, tu me n'yene λε è shεke caan é me entum Timatio fô ben e. Wvù nu ke edīoo ε to ε kase ε tu jim, esee ê me no ben nu, é fitele fiem elεεten. 20 Kε me ηkεηke wee mvu diεwε wvù le wvù looci naa kεηke ten shiee fô ben e diεwε no me ηkεηke kε. 21 Me njemyi nεn, njefo wee nteen kεηke shiee ε è nu fô εkolε kew e, yaa taale kε ekume fiεε fi Jisοs Klistu gomte le kε. 22 Geenεn, Timatio nu ε ben kee wase wee wvù è nu wvù, no wvù nu ε lem wase bee wvù keefewcε saaka wvù jee, ε wvù lemte bee wvù λεηλεη diεwε no wan ké no lemte bô ice. 23 Ε nu fiεε fi me n'yene λε è shεke caan

2:15 1:10; Dito 32:5; Dan 12:3; Mat 5:14; 10:16; 1Kol 1:31; 2Kol 1:14; Gal 2:1-2; Εε 5:8; 1Τεs 2:19 * 2:16 Kεεεε λε, "... no ben fewci."

2:17 Lum 15:16; 2Tim 4:6; 1Jon 3:16 2:18 3:1; 4:4 2:19 1:1

2:20 Lem 16:2 2:21 2Tim 4:10

é me entum ε è nu wvú. Fiεε fi me mbεε ntaale nu keen'yen laa mwεεm nu etu nεε le yî yem e le. ²⁴ Me ηγεεle bvufee yî Tata le le è sheke caan, é me kebεε ento ten en'yen ben e.

²⁵ Me n'yene le fí nu shiee le le me enkase enciinse Ebaflodaytus ê ben. Wvú nu waa bwee wesebeene, ε bee wvú lemte bvuu diuu yî diεw Nyo' le. E nu wee wene ntum wvú ben to tumεε le wvú eto etaale fô me le. ²⁶ Wvú se kenke wase shiee keeyen ben e bocii, ε fitele buuke wvú no wvú se yuwεε le ben nu ε yuw le wen cemte lo. ²⁷ E nu keceey, wvú se nu ε looce ε cem ε sheε ke caan keekpwe. Geenεn, Nyo' se nu ε cam shen fô wvú le, ε ke wvú se cam ke ε è nu fô wvú le maan ke. Wvú nu ε cam ten fô me le le fo wvú ekpwe ebvuu ebise ηgew yî wvú me n'yene wase le ke. ²⁸ Nonεn, me ε mum ε no nshieele naa baay le me enciinse wvú, wvu le ben ebvuu eyen wvú le eyuuke njon, é fitele fiem ten elεetene. ²⁹ Ben efisen wvú diεwε bonyii bo Tata le bô njon. Bonyii diεwε wvú le nu bò è nulo é ben ewvumte. ³⁰ Me njemyi nen njefo è to sheke caan tu wvú to kpwe nje lemme di Jisos Klistu le no wvú to nyaε ekole kew keetaale fô me le yî bvudvuu bvunen e.

3

Fiεε fi kuuke nu keekiε Klistu

¹ Boom bo bwεεm e, keemεεse, ben eyuukè njon le ben nu bonyii bo Tata le. Me nu ε nsan wase mwεεm fô ben e, ε ke è nulo é me endose keenjemyi ηkaase ntuu fó ke. Me ηgee nonεn keenngemngeme

lo ben. ² Ben dioo nu, no yènè ben ε bonyii ba bò gee mwεεm mvù befe, leeme κε ε bó κηηκε κε keesεεyi ye bonyii ε bó tfuuse bó yew. * Bonyii bodvu ba nu lo bwé. ³ Ε nu beene ban bò nu ε κηηκε ntfuse yew wvu ληη, beene ban bò bunlee Nyo' no Keyoy kew dunçi. Beene bensee ye ε è nu nje Klistu Jisos, κε beene leese bvufee yî mwεεm mvù è gee bonyii le κε. ⁴ Geenεη, è nelo é me ηκηηκε τεν shiee keenleese bvufee yî mvumwε mwεεm e. Ε wee fεη nu dvú wvù kpwaake le wen nulo eκηηκε shiee keeleese bvufee yî mvumwε mwεεm e, tu me ηκηηκε wvù fele wvu mwετηη. ⁵ Me nu wee wvu Islael, ê kfuu di Benjamin e, nu wee Ibulu, ε è to boke Bo'ibulu me, ε è ke no nu εdiuw nyan ε bó tfuse me yew. Ε dioo tu ê keba ke bonci bosese le, nu ε me nto nu wee Falasii, ⁶ ntemyi naa ntay yî fiεε fi Nyo' le, mbone bikaa ê kentaashε ke bonyii bo mbee le εjim. Ε keba ke bonci bosese le no è nulo é wee enu teytey, me nto mbaa eηκηηκε jay κε. ⁷ Geenεη mwεεm mvù me nto nshee n'yεne le è nu mwεεm mvu σεw e fô me le, nu ε me n'yεne wase keseen le è nu mwεεm mvu εcici, nje fiεε fi Klistu ge fô me le. ⁸ Κε è mεy κε fifiε κε, keceεy, me n'yεne mwεεm mvunciim e ε mvú nu lo mwεεm mvu εcici fô me le, njefo fiεε fi kuuke fele mwεεm mvunciim nu keekiεε Tata wεm wvù Klistu Jisos ntay. Me nu ε nlanη mwεεm mvun mvunciim nje ye. Me n'yεne wase mvú le ε è nu mwεεm mvu

3:2 2Kol 11:13 * **3:2** Bó to joo le é bó tfuse wee yew, é wvú σε no nu le wen nu wee Nyo', ε è nu no nce Bojuu to nu. **3:3** Lum 2:28-29 **3:4** 2Kol 11:18, 21 **3:5** Luk 1:59; Lum 11:1 **3:6** Lem 8:3; 22:4; 26:9-11 **3:7** Mat 13:44, 46

nnyen e, wvu le me enù bee Klistu, ⁹ é bee wvú emese eleyenen, enu yî wee le mwaan. Me nu ε Nyo' ε jo wase me le me nu teytey fô wvú le. Wvú jo nonen njefo me nu ε nlese fitele yî Klistu le. Me ε mum ε no nu teytey no wvú joo bonyii bò nu ε lese fitele yî Klistu le. Ke me mbvuu njoo naa lo le me nu teytey mbii no me nto ηkpawwci le wee ké no nu seke wvú bii bonci bosese le ke. ¹⁰ Fiεε fi me ηgomte keseen nu le me enkieε Klistu ntay, enkenke mvunḡay mvù wvú kenke no wvú to kasεε ebuy yî kpwe le. Me ηgomte ten keen'yen ηgew no wvú to yenεε, bô keenya ekole kem ê kpwe no wvú to nyaε, ¹¹ wvu le Nyo' ke ebvuse ten me yî kpwe le.

Me mbone ηaη ntaale fô me ηgene

¹² Ke me ηgayte nen le me nu ε ηge wase mwεεm mvun kenεε le me nu ε nfεse wase ke. Me mbεε mbone ke ηaη le me ηke enlanj kebo enjice mwεεm mvudvu le ê me εbo, njefo Klistu Jisos nu ε jo wase me wee we le. ¹³ Boom bo bwεεm e, ke me n'yene le me nu ε njice wase mwεεm mvudvu le ê me εbo ke. Geenεn fiεε fi me ηgee nu le me ndaayi ê mwεεm mvù nu ε fey wase le, mbone ηaη le me enjice ε è nu mvù nu fwe le. ¹⁴ Me mbone ηaη ntaale ke ε è nu fó fô me ηgene, keenkenke mmawce wvù è nu ntee wvù Nyo' nu ε tee me le me emben ento we no me nu ε ntaashε bee Klistu Jisos.

¹⁵ Beene bocii bò nu ε cime wase geη yî Jisos Klistu le kenke keekpawwci mwεεm mvun. Geenεn, é ben bomew kpawwci mvunen mwεεm

jεεy, tu è nu ke eyuuse wase Nyo' ê ben. ¹⁶ Fiεε fi baay nu κε λε beene ejicì ε è nu fiεε fi beene nu ε yeεyi wase le ntay.

¹⁷ Boom bo bwεεm e, ben ejoò kenfewsεn fô me le, ebvuu etaalè tεn nce wvù bonyii bomew cee bò nu ε jo kenfewsεn fô bese le. ¹⁸ Me njemyi nεn njefo no me nto ηké no njemyi wase ê ben bokan e bokan e, ε mbvuu ε no njemyi keseen bô misεm ê jise λε bonyii bomew nu dvù bò cee nce wvù duηci λε bó bane lo saaka wvù λε Klistu to nu ε kpwe yî kentam e. ¹⁹ Boba bonyii nu ε bó nu ke elεse lo bó. Wvubo nyo' nu diuwdiee. Bó bensee ye yî mwεεm mvù bó bee keewuumene lo yî dvù le. Nkpawace wvubo nu κε ε è nu yî mwεεm mvu fokuse fεn e. ²⁰ Beene nu fisεεbeene bonyii bo wonη wvu we le. Ε è nu fó fô beene looci cεyτε λε Mboyse wesebeene wvù Tata Jisos Klistu nu ke enε σε to. ²¹ Wvù nu ke edioo ε to, ekumεn ye yesebeene yi ncεwncew yin é yí etu diεwe ye ye yì κεηke bvujonκε le. Wvù nu ke ekumεn ε è nu bô mvunηgay mwew mvù wvù nu ke ebaance mwεεm mvunciim dvù enu εwe jodvu.

4

Ε Baul nya ntefe ê bonyii bo mbee le bo Filibi

¹ Nonεn boom bo bwεεm e, me ηkoonke ben baay mbvuu ηκεηke shiee keen'yεn ben e. Ε nu ben bó gee ε me n'yuuke njon, ε ben bvuu nu kefo kem ke bvunfon e. Nsáa yeμ, ben emum eleemè ke temyi ben ε bo Tata nonεn.

3:16 Gal 6:15-16 **3:17** 1Kol 4:16; 1Bi 5:3 **3:18** 1Kol 1:23; Gal 6:12 **3:19** Lum 16:18 **3:20** Εφε 2:6; Ibu 13:14 **3:21** Lum 8:29; 1Kol 15:25, 28, 43-53; Kolo 3:4 **4:1** 1Tes 2:19-20

² Me nleke le Ewodia bô Sintiki emeeshe fiεε fi bó keηke etu diuw mwaan no bó nu wee bô waa bwee nje Tata. ³ Me ε no ηgayte ten ê wo we wvù looci nu naa wee wem ηgoo le wo efi ke bokene ban é bó etu diuw mwaan. E nu bonyii ε bó ε katεn wase bee bó yî lemme di saaka wvù jee wvu ekumε Jisos Klistu le bô bo Kelemεn noo bonyii bomew bô bee bó to lemte. Bonyii ban bocii nu ε ediee εbo nu wase ê ηwa' bonyii bô keηke nshii wvù mεy lo le.

⁴ Ben eyuukè njon sekecii no ben nu bonyii bo Tata le. No me ηgay nu ε me mbvuu ηkaase ntuu fó le ben eyuukè njon. ⁵ Ben eduηçi gee di nyεkeey ê wee tfuu, ekumyî le kefew kè Tata nu ke ekase eto nu wase nceencee. ⁶ Fo ben ebuukè naa lo ekumε fiεε fimew ke. Ben ebunleè lo fô fiεε ficii le gεεle fwe dvu Nyo'. Ben dioo bunlee no biite mwεem mvù ben shieele ê wvù, enyaà keyoone yî mvù wvù gee le. ⁷ E ben gee nonεn, é Nyo' emum enya ben nyεkeey we é wvù ecεyεte mvuntelem bô bvufee bvunεn no ben nu bonyii bo Klistu Jisos e. Nyεkeey wvun wvù Nyo' nyaa nu ε ke è nulo é wee ekiεε kenfewsεn kedvu ke.

⁸ Boom bo bwεem e keemese, mwεem mvù ben keηke keekpwawçi nu mwεem mvù nu mvu keceey bô mwεem mvù keηke n'wvum, noo mwεem mvù nu leη. Ben ekpwawçi mwεem ε è nu mvù yuule bô mwεem mvù bonyii ké no koηke noo mwεem mvù sem nulo eta wee dvù. E mwεem nu dvù mvù looci jee, é mwεem nu dvù mvù è nulo é bonyii ebensee, é ben no kpwawçi ε è nu ekumε mvumwε. ⁹ Ben

4:3 Lem 3:5 **4:4** 2:18 **4:5** 1:10; Lum 13:11-12; 1Kol 16:22; Ibu 10:25; Jem 5:8; 1Tes 5:1-2 **4:6** Mben 37:5; Mat 6:25; 1Bi 5:7
4:7 Jon 14:27; Kolo 3:15 **4:8** Lum 12:17-18 **4:9** 3:17; 1Kol 13:11

egeè mwεεm biì κε ε è nu n'yεεyi wvù me nto nyae ê ben e, κενεε è nu mwεεm mvù ben to yuuke lo ê me, κενεε è nu mvù ben to yene lo. Ben nu dioo gee no nen, é Nyo' wvù gee ε mvuntelem mvu bonyii le nu nyεkee emum enu ben ε bó.

Ε Baul yuw njon no bonyii bo Filibi dunçi shiee fô wvú le

¹⁰ Tata nu ε ge me ε no n'yuuke njon baay no ben nu ε bvuu ε dunçe shiee wene fô me le κε no ben to shee dunçi. Me ηkee naa ntay le ben se κεηκε κε shiee fô me le, geenen tane ε è nu je. ¹¹ Ke me njemyi nen le me nse ntane fiεε κε. Me nu ε n'yεεyi wase ε ηkiεε keenfiisene mwεεm mvunciim. ¹² Me ηkee no wee ké no nu seke wvù tane, ηkee no wee ké no nu seke wvù κεηκε baay. Me ε mum ε n'yεεyi fifin ε ηkiεε no è nulo é me enu sekecii yí mwεεm e mvunciim κενεε me nu ε ndie, κενεε me mbaa endie, κενεε me ηκεηκε baay κενεε me ntane lo. ¹³ Me ηkee keηγε mwεεm mvun mvunciim nen, ε è nu bó mvungay mvù Klistu nyaa ê me le.

¹⁴ Geenεn, no me ncim ηgayte nen, ben nu ε ge naa ntay keefi me yí kefew ke ηγεw wεm e kin e.

¹⁵ Ben bonyii bo Filibi kee lo le è to nu seke me nto nen'yεε wonj wene le Masedonia no me nto ηκεwεε keenfewci saaka wvù jee wvun ê ben, κε kentaashe ke bonyii bo mbee le kemew to nu ε taashe bee bó keetasene can κε. Ε to mεy κε ben. ¹⁶ Ε to nu naa seke me nto nu Tesalonika, * ε ben ciinse nfi ê me, bvuu ciinse. ¹⁷ Ke me njemyi nen le me ntaale le

4:11 1Tim 6:6-8; Ibu 13:5 **4:13** 2Kol 12:9-10 **4:15** 2Kol 11:8-9

4:16 Lem 17:1 * **4:16** Tesalonika jan to nu kelaante wonj wvù Masedonia le. **4:17** 1Kol 9:11

ben eciinseè mwεεm ê me κε. Me ntaale baay ε è nu mmawcε wvù Nyo' nu ke enya ê ben yî fiεε fi ben gee fô me le. ¹⁸ Ben to nu ε tum Εbaflodaytus bô nnya ε wvù to nya ê me. Me ε no nu keseen n'yaa mbvuu ntane fiεε κε. Me nto nu ε nfiisen nnya yidvu yicii, n'yεn ε yí duule fele lo no me nshieele. Nnya yin nu ncese ε ben ε ge fô Nyo' le, ε wvù ε fiisen, yí ε no samte shfuunjkene ε wvù koonjke. ¹⁹ Nyo' wεm wvù me mbunlee κεηke ntfu bvukuke bvucii bvù beene shieele, ε wvù nu ke enya ê ben fiεε ficii fi ben shieele, njefo beene nu bonyii bo Klistu Jisos e. ²⁰ Mbense enù fô Nyo' Icee wesebeene wvun e sekecii σε ηka. Fí enù nonεn.

Ngayma

²¹ Ben egay bonyii bocii bò è nu bo Klistu Jisos e enya ê me. Boom bo bwee wesebeene le bò nu bee bó fεn gayte tεn ben e. ²² Ε bonyii bocii bò è nu bo Nyo' le jan gayte ben e, εfey mvunciim bò nu ê ntow Kaysa le fεn.

²³ Tata Jisos Klistu ebuw ben bô kembonεn kew é kí efici biyoy binεn. Fí enù nonεn.

**Nwa' Nyo' Monkan mo Monɛm
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5b12a3f8-7a2a-5b6f-b1da-1bf94b13fc2e